

三主要道頌

- 一、一切佛語心要義 諸聖佛子讚揚道 有緣求脫者津梁 我當隨力而宣說
(佛陀一切至言心要義 是諸賢善佛子所讚道
希求解脫行者之津道 我今應隨己力而宣說)
- 二、彼不貪著輪迴樂 為令暇滿不空過 勸依佛喜道諸賢 具清淨心善諦聽
(於諸三有安樂不貪著 為成暇滿義利而精進
唯願依於佛陀歡喜道 具法緣法淨意善諦聽)
- 三、無真出離難止息 捨求有海安樂果 貪著有樂能縛身 是故首當出離心
(倘若無有清淨出離心 何能息滅有海樂希求
由貪有樂眾生遭繫縛 是故先當尋求出離心)
- 四、暇滿難得壽不留 修習能斷今世欲 業果不爽輪迴苦 數思能斷來世欲
(修習暇滿難得壽無長 能斷貪著此生耽著樂
業果實不須誑輪迴苦 數思此義能斷後是欲)
- 五、至於輪迴圓滿事 不生剎那之希願 晝夜恆求解脫心 生時即起出離心
(修已故於輪迴諸盛事 剎那希願亦不暫生起
晝夜恆常唯求解脫心 此生起時即為出離心)
- 六、出離若無淨發心 執持修習終不成 無上菩提圓滿因 智者當發菩提心
(雖已發生求脫出離心 若無菩提勝心所攝持
不成無上菩提盛樂因 是故智者應發菩提心)
- 七、四大瀑流猛漂激 業繩緊縛難掙脫 既入我執堅鐵網 復被無明大闇蔽
(四大瀑流沖激難遮止 業力繩索緊密所繫縛
墮入我執鐵網罟洞中 無明大闇周遍所蒙蔽)
- 八、無邊生死生復生 三苦逼害恆相續 審思如斯眾慈母 當應引發殊勝心
(無邊生死大海生復生 常遭三苦迫害恆無間
陷此境地一切如母眾 情狀思已策發殊勝心)
- 九、不具通達實相慧 雖修出離菩提心 終不能斷生死根 應勸通達緣起法
(若不具足通達法性慧 縱雖修習出離菩提心
不能斷除三有根本故 通達緣起之法應勤修)
- 十、能見世出世間法 果隨因行永不誣 能滅實執諸所緣 此乃正入佛喜道
(觀見世出世間一切法 從因生果真實不虛誑
一切所執之境皆壞滅 彼乃趣入佛陀歡喜道)
- 十一、現分緣起不欺誑 空分遠離實執意 若時二者別現見 爾時仍昧牟尼旨
(現相緣起真實不虛妄 性空不執遠離諸承許)

若時見此二理各別現 仍未通達能仁深密意)

十二、現見緣起全不誣 即滅實執取境相 若時同起非更迭 乃圓成正見觀察
(空與緣起同起非更迭 若唯觀見緣起不虛妄
即而滅除實執所執境 爾時正見觀察乃圓滿)

十三、此復現相除有邊 及以空性除無邊 若知現空顯因果 不為邊執見所奪
(又由現相斷除有邊見 乃由空性捨離無邊見
了知性空顯現因果理 不為邊執耶見所劫奪)

十四、如是聖道三關要 若得如實通達時 子應依靜勸精進 奮速即修究道竟
(如是於此三主要道義 自若如實通達珠扼要
當依寂靜處所起精進 願汝速即成辦究竟願)